

Royal Arctic Line A/S-imi Toqqaasussanik akissarsiallu pillugit ataatsimiititaliamut suliaqkiissut

1. Aallaqqaasiut

- 1.1. Toqqaasussanik akissarsiallu pillugit ataatsimiititaliamik pilersitsinissaq siulersuisut septembarip aappaani 2014-imi ataatsimiinneranni aalajangiunneqarpoq, siulersuisut suleriaasissaat ataqqillugu suliaqkiissut piareersaateqarnermut ataatsimiititaliatut atuuttussamik.
- 1.2. Matumani suliaqkiissut siulersuisunit ukiumoortumik misissorneqartassaaq, naleqqussarneqarluni akuersissutigineqarlunilu. Siulersuisunut ilaasortaq kinaluunniit allannguutissatut siunnersuuteqarsinnaavoq, tamanna aamma toqqaasussanik akissarsiallu pillugit ataatsimiititaliamut ilaasortaasunut atuuppoq.
- 1.3. Ulluinnarni aqutsisut tassaapput pisortaqaatigiit, ingerlatseqatigiiffiit nalunaarsorsimaffianni pisortaanertut qaqugukkulluunniit nalunaarsorneqarsimasoq pineqarluni.

2. Inissitsiterneq siunertarlu

- 2.1. Ataatsimiititaliap suliaqkiissut siulersuisut siulittaasuannit aamma siulittaasup tullianit ataatsimiititaliamut siulittaasutut siulittaasullu tulliatut nakkutigineqassapput. Attuumavallaarneq pillugu aalajangersakkat siulersuisut suleriaasissaanni nassuiarneqartut ataatsimiititaliami sulinerneq aamma atuupput, pisortaqaatigiilli imm. 6.1 naapertorlugu isumaqatigiissutitigut pissutsit imminnut tunngasut pillugit isumaqatigiinniarnernut peqataasinnaangorlugit naleqqussagaallutik.
- 2.2. Ataatsimiititaliap siulersuisuni suliarinninnissaq sioqqullugu piareersaateqarnerinnarmik siunertaqarpoq, aammalu paasissutissat siulersuisunut ilaasortat tamarmik pisariaqartitaannik ataatsimiititaliamuinnaq apuussisoqarneranik kinguneqassanngilaq. Ataatsimiititaliap toqqaasarneq akissarsianullu tunngasunut pissutsit misissortarpei, siulersuisut, ataatsimiititaliap nammineerluni imaluunniit kukkunerisuisup avataaneersup sukumiinerusumik misissorneqarnissaannik kissaateqarfisai.

3. Toqqaasussanik akissarsianullu pillugit ataatsimiititaliami ataatsimiinnerit

- 3.1. Ukiumut ikinnerpaamik marloriarluni ataatsimiittoqartassaaq, kiisalu siulittaasup pisariaqarsorippagu. Ukiumut tullinnguuttumut missingersuutitut kiisalu ukiumoortumik naatsorsuutit saqqummiunneqarnerinut atatillugu ataatsimiittoqartassaaq. Siulittaasoq ataatsimiigiaqqusissaaq ullormullu oqaluuserisassanik nassiussilluni.
- 3.2. Peqataasut tassaapput ataatsimiititaliamut ilaasortat aammalu toqqaasussanik akissarsianullu ataatsimiititaliami ataatsimiinnernut aggersagassatut naleqquttutut isigineqartut allat.
- 3.3. Ataatsimiititaliap ataatsimiinnerini tamani imaqarniliortoqassaaq, tamannalu siulersuisut imaqarniliortuannit/allattaannit isumagineqarsinnaavoq, ataatsimiititaliilli siulittaasua aalajangersinnaavoq paasissutissat inunnut tunngasut mianerisariiallit immikkut isertuussisussaataaneq naapertorlugu suliarineqarnissaannik taamaattumillu imaqarniliamut ilanngunneqaratik. Imaqarniliaq siulersuisunut ilaasortat sinnerinut nassiunneqannginnerni

ataatsimiititaliap ilaasortaata sinnerinut misissugassanngorlugu naqqiuteqarfignassanngorlugulu nassiunneqassaaq.

4. *Piginnaassuseqartitaaneq allallu*

- 4.1. Ataatsimiititaliaq suliakkiissutigineqartumi killiliussat iluanni pissutsinik tamanik misissuinissaminut paasissutissallu pisariaqartut pissarsiariniarnissaannut pisortaqatigiillu aqputigalugit ingerlatseqatigiiffimmi sulisut ikiortiserinissaannut piginnaatitaavoq.
- 4.2. Siulersuisunut ilaasortat allat, pisortaqatigiit, kukkunersiuisoq suliffeqarfiup avataaneersoq kiisalu sulisut attuumassuteqartut ataatsimiititaliamit aggersarneqarunik ataatsimiinnernut peqataanissamut pisussaataapput.

5. *Suliassat toqqaasarnermut tunngassuteqartut*

- 5.1. Piginnaasat pisortaqatigiinni piumasarineqartut nassuiarnissaat kiisalu pinnaasaannik, ilisimasaannik, katitigaanerannik misilittagaannillu nalilersuineq.
- 5.2. Suliffeqarfiup aqqissuussaananeramik, angissusianik, katitigaaneramik angusaanillu ukiumoortumik nalilersuineq, allannguutaasinnaasunillu siulersuisunut inassuteqarneq.
- 5.3. Pisortaqatigiit pinnaasaannik, ilisimasaannik misilittagaannillu ukiumoortumik nalilersuineq, tamatuminnigalu siulersuisunut nalunaarusiorneq.
- 5.4. Pisortaanertut atorfirmut piukkussanik siulersuisunut siunnersuuteqarneq.
- 5.5. Pisortaqatigiinnut tunngatillugu piffissaligaasumik malittariiginnarmik taarsiisarnissamik pilersarusiorneq kiisalu pisortatut atorfinnut pisortaqatigiinnut attaveqartunut tunngatillugu taarsiisarnermut politikkit najoqqutassallu.
- 5.6. Pisortaqatigiit piginnittut soqutigisaannik ingerlatseqatigiiffiullu piginnaasanik, naammassisaqarsinnaassutsimik assigiinngisitaarnissamillu pisariaqartitsineramik isumaginnissinnaanissaat ataatsimiititaliamit qulakkeerneqassaaq. Pisortaqatigiit katitigaanerannut tunngatillugu assigiinngisitaarnissaq ataatsimiititaliap ukkatarissavaa, suaassutsinut, ukioqqortussusermut, suliatigut piginnaasanut, pinnaasanut attuumassuteqartunut, misilittakkanut, tunuliaqutarisanut najukkamilu tunngaveqarnissamut tunngatillugu.
- 5.7. Atorfirmut pineqartumut sulisussarsiortoqarnissaa sioqqullugu qinnuteqartup qanoq ittuunissaa, piginnaasassai, misilittagassai ilisimasassaalu pisariaqartinneqartut pillugit nassuiaasiortoqassaaq, taannalu siulersuisunut akuerisassanngorlugu inassutigineqassaaq.
- 5.8. Piukkunneqartunik aammalu taakku piginnaasaannik, misilittagaannik ilisimasaannillu nalilersuisoqassaaq siulersuisunullu akuerisassanngorlugu inassutigineqarluni.

6. *Suliassat akissarsianut tunngassuteqartut*

- 6.1. Piginnaatitsissut siulersuisunit tunniunneqartoq tunngavigalugu, isumaqatigiissullu atuuttoq naapertorlugu, pisortaqatigiit akissarsiaat pillugit isumaqatigiinniarneq tamatumalu inerneramik siulersuisunut ilisimatitsissuteqarneq.
- 6.2. Pisortaqatigiinnut sulisunullu, ingerlatseqatigiiffimmi ingerlatanut pingaarutilimmik sunniuteqartunut kiisalu sulisunut nakkutilliinermik

suliaqartunut akissarsiat pillugit politikkimik suliaqarneq. Akissarsianut politikki akissarsianik tunniussisarnermut tunngavissanik aalajangersaaffiuvoq. Politikki siulersuisunit akuerineqassaaq. Ingerlatseqatigiiffiup ulluinnarni aqutsisuinit aalajangersarneqassapput. Ataasiakkaanut akissarsiassat immikkut ittu ingerlatseqatigiiffiup ulluinnarni aqutsisuinit aalajangersarneqassapput akissarsiat pillugit politikimi tunngavissat naapertorlugit.

6.3. Akissarsiat aamma aningaasartuutit ajunngitsorsiassallu attuumassuteqartut akissarsiat pillugit politikkimut naapertuunnissaannik qulakkeerinnineq.

6.4. Missingersuutitut atatillugu ukiumut naatsorsuuseriffiusumut takkuttussamut tunngatillugu akissarsianut tunngavissanik qaffasissusissaannillu nakkutiginnineq.

6.5. Siulersuisut pisortaqtigiifillu akissarsiaat pillugit paasisutissat ukiumoortumik nalunaarusiami eqqortuunerisa, eqqortumik takutitsinerannik tamakkiisuuneranillu nakkutiginnineq.

6.6. Qulaani allaaserineqartunut suliassanullu allanut siulersuisut akissarsiat pillugit ataatsimiititaliamut suliassanngortitaannut atatillugu suliassanik attuumassuteqartunik nakkutiginnineq.

6.7. Ingerlatseqatigiiffiup akissarsiat pillugit politikkiata nutarterneqarsimanerannik nakkutiginnineq allannguutissatullu siunnersuutunik siulersuisunut akuerisassanngortitsineq.

7. *Siulersuisunut nalunaaruteqartarneq inassuteqaateqartarnerlu*

7.1. Ataatsimiititaliap ataatsimiinnerata kingorna siulersuisut ataatsimiinneranni tulliuuttumi ataatsimiititaliami ingerlanneqartut ilisimatitsissutigineqassapput. Tassani aamma innersuussinernik inassuteqaatinillu peqassappat taakku siulersuisunut inaarutaasumik akuerisassanngortinneqassapput.

7.2. Imaqarniliat akuerisat siulersuisunut ilaasortanut tamanut ataatsimiinnerup ingerlanneqartup kinguninngua nassiussuunneqartassapput. Imaqarniliat akuerisat ingerlatseqatigiiffiup allattaaviinut journaliinullu ilanngullugit uninngasuutigineqassapput. Atortussat ataatsimiititaliamut suliarineqartut imaluunniit ataatsimiititaliamit suliarineqartut tamaasa siulersuisunut ilaasortanut Director's Deskikkut pissarsiarineqarsinnaassapput.

8. *Suliassat allat*

8.1. Siulersuisunut siulittaasup siulersuisut katitigaanerit pillugu piginnittunik oqaloqateqarnerminut atatillugu ataatsimiititaliamik atuisinnaavoq.

9. *Ataatsimiititaliap sulinerminut ikuugaasarnera*

9.1. Ataatsimiititaliaq siunnersorneqarnissaminut avataanit ikiortiserinnissinnaavoq sulisussarsiortitsisarfinnit, eqqartuussissuserisunit assigisaanilluunniit. Taamatut pisoqartillugu siulersuisut tamatuminnga ilisimatinneqartassapput. Siunnersuisartut arlaannaanulluunniit attuumassuteqanngitsut, ingerlatseqatigiiffiup pisortaqtigiivinit imaluunniit aaqqissuussaarnermut suliassanik allanik isumaginnittuunngitsut, sapinngisamik atorneqartassapput.

10. *Ataatsimiititaliami ilaasortat akissarsiassa*

10.1. Akissarsianut tunngatillugu, piginnittut akissarsianut politikkiat malinneqassaaq, ataatsimiititalianullu ilaasortaanermut immikkut akissarsiaqartitsisoqartannginnera tamatumunnga ilaatinneqarpoq. Ilaasortat

ataatsimiititaliami suliaqarnerminnut atatillugu toqqaannartumik
aningsartuutigisaat, angalanermut najugaqarnermullu aningsartuutit
ilanngullugit, ingerlatseqatigiiffimmit utertillugit akilerneqassapput,
malittarisassat atuuttut naapertorlugit.

Suliakkiissut ingerlatseqatigiiffiup nittartagaatigut
pissarsiarineqarsinnaangortinneqassaaq

Siulersuisunit akuerineqarpoq juunip pingajuani 2025